


ՀՈՎՍԵՓ ՕՐԲԵԼԻ

Դժվար է հաշտվել այն մտքի հետ, որ չկա այլևս Հովսեփ Օրբելին: Անսպառ էր թվում կենսական ուժի այն պաշարը, որով նրան օժտել էր բնությունը, անսպառ էր թվում նույնիսկ նրա կյանքի վերջին տարիներին, երբ ժամանակը իր անխուսափելի կնիքն էր դրել նրա դեմքի վրա: Բայց առաւորեն օժտված,



նա առաւորեն էլ ծախսում էր մտավոր իր եռանդը: Մենք տեսել ու պատկերացնում ենք նրան միշտ մաքի ու հույզի բռնկումներով լուսավորված:

Ասում են այդպիսին է եղել Հովսեփ Օրբելին դեռ մանկության ու պատանեկության օրերից, որ նա անց է կացրել Վրաստանում: Մնվել է նա Քութայիսիում 1887 թ. մարտի 20-ին: Միջնակարգ կրթությունը ստացել է Քիֆլիսի կյասիկ գիմնազիաներից մեկում: 1904 թ. Օրբելին Պետերբուրգի համալսարանի

ուսանող է: Հ. Օրբելու գիտական հետազոտությունները, սկսվելով ու փայլուն գրեթե անընդմիջ հունա-լատինական բանասիրության բնագավառում, զնայով լայնացան եւ: 1906 թ. նա մասնակցում է Անիի հանրահռչակ պեդումներին, հաջորդ տարվանից սկսում մատնագիտական նաև հայկական, վրացական ու իրանական բանասիրության բնագավառում: Համալսարանի դասախոս ու պեդումների ղեկավար Ն. Մառը, բացի անմիջական գիտելիքներից, ներշնչում է նրան առանցքային այն զաղափարը, որ պատմական նյութը պետք է ուսումնասիրվի բոլոր հնարավոր՝ հնագիտական, գրական, վիճագրական, լեզվական, ազգագրական և այլ աղբյուրների օգտագործման պայմաններում, այլապես կիսատ ու գիտականորեն անհամոզիչ կմնա նրա ուսումնասիրությունը: Հ. Օրբելու ջանքերը՝ տիրապետելու բոլոր այդ տեսակի աղբյուրներին, հաջողությամբ են պսակվում նրա անվանի ուսուցիչներ ժերելյովի, Ռոստովցևի, Սմիրնովի, Բարբուլդի և այլոց ղեկավարությամբ:

1911 թ. նա ավարտում է Պետերբուրգի համալսարանի պատմա-բանասիրական և արևելյան ֆակուլտետները և բողոքում համալսարանում՝ պրոֆեսորական կոչման պատրաստվելու համար: Մասնագիտացնելով ժողովրդական պատմության ոլորտում, նա ավարտում է տեղական բանգործներ և մերթ քնդ մերթ, Ն. Մառի բացառությամբ ժամանակ, նրա պատվերով ղեկավարում պեդումների աշխատանքը (1909—1910, 1913): 1909 թ. համալսարանի գործողությամբ նա վիճագրական նյութեր է ժողովում Ղարաբաղում (պատմական խաչներում): 1911 թ. ընթացքում (այս անգամ արդեն Գիտությունների ակադեմիայի հանձնարարությամբ)՝ շրջելով Արևմտյան Հայաստանում, հատկապես Մոկսում, ուսումնասիրում է ուրարտական, հայկական, սելջուկյան հուշարձանները, հայերենի ու ֆոլերենի բարբառները: 1915 թ. նա ուսումնասիրում է Արմինի հայկական հուշարձանները: Հ. Օրբելու մասնակցությունը Ռուսական հնագիտական ընկերության կազմակերպած ու Ն. Մառի ղեկավարած 1916 թ. Վանի հնագիտական արշավախմբի աշխատանքներին պսակվում է սենսացիոն հաջողությամբ՝ նա գտնում է ուրարտական բազալիտ Սարգուր II-ի տաճարությունը պարունակող արձանագրությունը՝ ուրարտագիտության գահարը:

Դեռևս 1912 թվականից Հ. Օրբելին Ռուսական հնագիտական ընկերության անդամ էր, 1914 թվականից հայագիտություն ու ֆրագիտություն էր դասախոսում Պետերբուրգի համալսարանում, իսկ 1917 թ. ընտրվեց հայ-վրացական ամբիոնի դոցենտ:

Այդ տարիների ընթացքում նա հրատարակել է երկու տասնյակից ավելի գիտական աշխատություններ, որոնց թվում են Անիի հնությունների բանգործների կատալոգը՝ օրինակելի մի գործ, Անիի ավերակների ուղեցույցը, այնուհետև կլասիկ բանասիրության հարցերին, հայոց պատմությանը, հնագիտությանը և արվեստին վերաբերող մասնավոր ու ընդհանրացնող մեծածեղ գիտական երկեր:

Հովսեփ Օրբելին մեկը եղավ այն գիտնականներից, որոնք անվերապահորեն ու ամբողջ հագով ընդունեցին Հոկտեմբերը. նա բառիս բուն իմաստով նետվեց կոլտուրական շինարարության այն սլաքոսի ոլորտը, որով համակված էր երիտասարդ Սովետական պետությունը: Արժեք վեց նրա այդ շրջանի գործունեության բնագավառներից մի փանիսը 1918—1920 թթ. — Մոսկվայի վերակազմված Լազարյան հեմարանի պրոֆեսոր, Պետական հնագիտական խորհրդի

անդամ, ժողկոմխորհի բանգարանային գործերի կոլեգիայի գիտնական-հար-տուգար, Պետերբուրգի համալսարանի պրոֆեսոր, Նյուսեպիան կոլտուրայի պատմության ակադեմիայի (ГАНМК) իսկական անդամ, նույն ակադեմիայի հրատարակչության վարիչ ու նրա հրատարակությունների խմբագիր, նույն ակադեմիայի և Դիտությունների ակադեմիայի տպարանի գործերի կոմիտեի նախագահ, Պետական էրմիտաժի աշխատակից՝ անա այդ բնագավառների ոչ լրիվ ցուցակը: Ով հանաչում էր Հովսեփ Օրբելուն, վայրկյան ան-գամ չէր կասկածի, թե այս պաշտոններից ու պարտականություններից զեր ուրե՛ մեկը անվանական բնույթ էր կրում նրա համար, թե նա չէր նվիրվում գրանցից յուրաքանչյուրին իր ամբողջ էությամբ և կամ թե նա, տարված ղեկավարի բարձր դիրքից, խորշում էր սև աշխատանքից: Զգիտեցողների համար կարելի է հիշել, որ նույն այդ տարիներին Օրբելին տիրապետեց անգամ գրաշարական արվեստին, որպեսզի հաստատուն հիմքերի վրա դնի իր իսկ մշակած՝ հայկա-կան վիմագիր արձանագրությունների հրատարակման սկզբունքների իրակա-նացումը: Մենք ունենք մի քանի գրքեր՝ շարված անվանի գիտնականի ձեռքով: Հետո նա սկսեց սովորեցնել այդ արվեստը Ակադեմիայի մի խումբ աշխատա-կիցների:

Օրբելու կյանքի այս դրվագը շատ բնորոշ է երիտասարդ սովետական ին-տելիգենցիայի առաջավոր շերտի համար. սրանց ձեռքերին էին սպասում հրս-կայական բանակությամբ գործեր՝ կապված ցարական ժամանակի կոլտուրա-կան հիմնարկների վերակառուցման, դեմոկրատացման, սովետականացման անհրաժեշտության հետ:

Օրբելու անունը սկզբից և էր կապված էր և հետագայում էլ կապված մնաց կոլտուրական շատ հիմնարկների ու օջախների պատմության հետ: Բայց կա դրանց մեջ մեկը, որ հատուկ տեղ է գրավում նրա կյանքում: Դա Պետական էրմիտաժն է, որին նա տվեց իր ետուն կյանքի երեսուն տարուց ավելին: Այս-տեղ հիմնական խնդիրն էր՝ դարձնել բանգարանը ժողովրդին մատչելի, լայն մասսաների կոլտուրական դաստիարակման օջախ: Դրա հետ մեկտեղ նա մտահոգված էր կազմակերպելու ոչ միայն էֆպոնատների պահպանության, այլև նրանց գիտական ուսումնասիրման գործը: Այս աշխատանքներով զբաղ-ված Օրբելին էրմիտաժում 1920 թ. մինչև 1951 թ. անցել է «գիմնազիի միջև ֆելդմարշալի» ուղին: 1926 թվականից էրմիտաժում նա բաժնի վարիչ էր, 1934-ից՝ դիրեկտոր: Էրմիտաժի ղեկավարման գործում մրցում էին նրա գի-տական ու կազմակերպչական տաղանդը: Այդ մրցության լավագույն արգա-սիքն է Արևելիի հոյակապ բաժնի ստեղծումը, որն էականորեն փոխեց էրմի-տաժի կերպարանը, արևմտյան գեղարվեստի հարստագույն հավաքածուից այն դարձնելով համաշխարհային մշակույթի արժեքների շտեմարան—մի բան, որ ընդհանուր հանաչում ստացավ իրանագետների համաշխարհային III կոնգ-րեսի ժամանակ, որ կայացավ 1935 թ. Լենինգրադում Հ. Օրբելու ղեկավարու-թյամբ:

Քրոնաչան աշխատելով էրմիտաժի առօրյայում, Օրբելին վճռական դեր կատարեց նաև նրա նակատագրի հանգուցային կետերում: Այդ դերը վաղ դր-սնառվեց Հայրենական Մեծ պատերազմի և հետպատերազմյան տարիներին, երբ նրա ձեռքով իրականացվեց էրմիտաժի հարստությունները պաշարված ու ումբակոծվող ֆաղափից դուրս բերելու և ապա էրմիտաժին իր նախկին փայլը վերադարձնելու աշխատանքը:

Էրմիտաժյան աշխատանքին համընթաց շարունակվում էին նրա գործունեության նաև մյուս ուղեգծերը: 1925—1931 թթ. նա վարում էր Լենինգրադի համալսարանի նախ հայ-վրացական բանասիրության, ապա նաև Արևելի նյութական կուլտուրայի պատմության ամբիոնների աշխատանքը: 1928—1929 թթ. նա Դադեստանում ուսումնասիրում է Դերբենտի ամրոցը, հավաքում և՛ աղվանական, և՛ պահլավերեն արձանագրությունները, 1929 թ. Հայաստանում զբաղվում է հարտարապետական հուշարձանների հետազոտմամբ: 1930 թ.՝ Ուրալի տեղական քանդաքաններում ուսումնասիրում է սասանյան շրջանի արվեստի իրերը, հրատարակում է մի շարք աշխատություններ:

1935 թ. Հ. Օրբելին ընտրվեց ՍՍՌՄ Գիտությունների ակադեմիայի ակադեմիկոս (թղթակից-անդամ էր դեռ 1924 թ.), 1946-ին՝ Ճարտարապետության ակադեմիայի իսկական անդամ:

Նվիրված լինելով տարբեր հարցերի՝ հայկական հարտարապետական հուշարձանների, վիմագրական աղբյուրների, իրանական արվեստի ու գրականության խնդիրներին, վրացագիտության պրոբլեմներին, Օրբելին այդ բազմազան խնդիրների հետազոտությունը ընդգրկում էր մի ընդհանուր կառուցվածքով: Նրա պահանջներից մեկն այն էր, որ մշակույթային հարգերը հետազոտվեն հասարակության սոցիալական բաժանվածության տեսակետից, նկատի առնելով մշակույթի դասակարգային բնույթը, և առանձնապես հետաժողովրդական մշակույթի կամ կուլտուրական երևույթի ժողովրդական անունների հայտնաբերմանը: Մյուս պահանջն էլ այն էր, որ հայ ժողովրդի և, ընդհանրապես, յուրաքանչյուր ժողովրդի կյանքն ու մշակույթը ուսումնասիրվի հարևան ժողովուրդների կյանքի ու մշակույթի լայն շրջանի վրա, հաշվի առնելով տնտեսական ու կուլտուրական զարեղ ու անխուսափելի կապերն ու փոխազդեցությունները՝ կրոնական ու ազգային պատմելիներից անկախ: Նվ նրա յուրաքանչյուր աշխատությունը, ինչի դա գոյտրիկ մի հոդված արաբական արձանագրություններ կրող վրացական մի ջանի մասին, քեզ գործ՝ նվիրված ժողովրդական մասսաների ինքնագիտակցության արտացոլմանը միջնադարյան առականում, կամ սասանյան արվեստի ուրվագիծ՝ այդ կոնցեպցիայի արտահայտություններն են, այսինքն՝ ուղղված են ազգային սահմանափակության դեմ և սոցիալական են խորին ժողովրդայնությամբ և ինտերնացիոնալիզմով:

Օրբելու համար սրանք սոսկ գիտական մասնակի տեսություններ չեն, այլ՝ աշխարհայացք, բնավորության գծեր: Սա էր գրավականը այն արտակարգ հաջողության ու փայլի, որով նա մասնակցեց Իրանական արվեստի III միջազգային կոնգրեսին և երեք համաշխարհային գրական կոնգրեսների հոբելյանների տոնակատարությանը՝ Ֆիրդուսու «Շահ-նամեի» (1934), Ռուսթավելու «Վազրենավոր»-ի (1938) և մեր «Սասունցի Դավիթի» (1939):

Օրբելին խորն ու ճերհուն ծանոթ էր ոչ միայն այդ կոնգրեսներին, այլև, դրանց պատմական ժամանակաշրջանների ոգուն, առանձնահատկություններին ու մանրամասներին, կարողանում էր քափանցել դրանց բուն էության մեջ և պատմել իր տեսածները իր ունկնդիրներին: Հենց նրա՝ ամբիոնի վրա ծառացող պատկանելի ու վեճ կերպարանքը արդեն ընդգծում էր կատարվող իրադարձության կարևորությունը, իսկ հոնտորական եզակի արվեստը, որն է հայտ էր գալիս և՛ ցածր քավշյա տեմբրի առնական ձայնի՝ շշուկից մինչև որոտ հնչման մեջ, և՛ նշանակալից պատկերներում, և՛ խոսքի նկունության, կապակցությամբ ու տրամաբանության մեջ, տեղ էր հասցնում նրա մտքի ամենա-

բարդ ու նրբին երանգները: Օրբելին հատուկ ձիւրք ուներ ամենքին հասկանալի լինելու: Պատմում են, որ Հայրենական պատերազմի տարիներին պաշարված Լենինգրադում նրա պատկերավոր ու բնավոր խոսքը իսկապես որ հմայում էր մարտիկներին, բնդ որում հաճախ այն նվիրված էր լինում արվեստի բարդ հարցերին: Նման ելույթներին ականատես եղան նաև Կովկասի պաշտպան մարտիկները և մեր ժողովուրդը, երբ, Հ. Օրբելին 1942 թ. երմիտաժի էվակուացման աշխատանքները ավարտելուց հետո եկավ Հայաստան:

Մինչ այդ էլ Օրբելին կապված էր Հայաստանի հետ սերտ կապերով, որոնք ծայր էին առել դեռ Անիի արշավախմբի արշավանքների, Հայաստանում շրջագայությունների, 1936 թ. Անբերդում կատարած պեղումների ժամանակ: 1934 թ. նա ընտրվել է Հայաստանի Կուլտուրայի պատմության ինստիտուտի իսկական անդամ, 1938 թ.՝ ՍՍՌՄ ԳԱ Հայկական ֆիլիալի նախագահ, արժանացել Հայկական ՍՍՌ գիտության վաստակավոր գործչի պատվավոր կոչմանը: Առանձնապես հարազատ դարձավ Օրբելին Հայաստանին «Սասունցի Դավթի» 1000-ամյակի տոնակատարության ժամանակ, ուր նա ոգեշնչող մասնակցություն ուներ կատարվող բոլոր աշխատանքներին:

Երբ 1943 թ., պատերազմի ծանր պայմաններում, Սովետական կառավարությունը, հետևելով գիտության զարգացման հանդեպ իր հոգատար վերաբերմունքի մշտական սկզբունքին, որոշեց Հայաստանում հիմնել Գիտությունների ակադեմիա, Հ. Օրբելին հաստատվեց ակադեմիկոսների առաջին կազմում և ընտրվեց նորաստեղծ ակադեմիայի պրեզիդենտ: Հ. Օրբելու գիտական մեծ փորձը, կազմակերպչական տաղանդն ու եռանդը անգնահատելի նշանակություն ունեցան Երևանում ակադեմիայի անդամների ֆայլափոխերին, ինչպես գիտական կադրերի համախմբման ու նոր կադրերի պատրաստման, այնպես էլ գիտական նիշտ ուղղության ընտրության գործում: Կազմավորվեց ու ամրացավ այն կորիզը, որը հետագայում փարթամ ծիլեր տվեց: Նշենք, որ այդ տարիներին Օրբելին ղեկավարում էր նաև Ակադեմիայի Պատմության ինստիտուտը:

1945 թ. Հ. Օրբելին, որ մինչ այդ արդեն մի շարք արտասահմանյան գիտական հիմնարկների ու ընկերությունների անդամ էր, ընտրվեց նաև Իրանական ակադեմիայի պատվավոր անդամ:

1946 թ. Նյուրեմբերգյան դատավարության ժամանակ, ուր Օրբելին ներկա էր որպես վկա, նա իր մեղադրական ցեցող խոսքով դիմակազերծ արեց ֆաշիստական ռազմական ոճրագործների պարագլուխներին՝ որպես մարդկային կուլտուրայի ոխերիմ թշնամիներ:

Այդ ժամանակ երմիտաժի վերականգնման գործը պահանջում էր իր գիտական ղեկավարի ամբողջ ուժերն ու եռանդը, և 1947 թ. Օրբելին պետք է հրաժարվեր Հայկական ՍՍՌ Գիտությունների ակադեմիայի պրեզիդենտի պաշտոնից: Սակայն նա չէր դադարում սերտ կապեր պահպանել Հայաստանի հետ: Այցելում էր Հայաստան, 1951 թ. օժանդակեց (իր հին բարեկամ և անմեկնիք ընկերակից, ՍՍՌՄ ԳԱ քղրակից-անդամ Կ. Վ. Տրեվերի հետ միասին) Գառնիի հնագիտական պեղումների գործին, օգնելով արշավախմբին իր ծով էրուդիցիայով ու փորձով և հնարավորին չափ մասնակցում էր մեր Ակադեմիայի մի շարք կարևոր ձեռնարկումներին: Լենինգրադում հայրական խնամք էր տանում հայ ուսանողներին և ասպիցանտների հանդեպ, ցույց տալով նրանց ամեն տեսակ օգնություն, մերթ ոգևորելով, մերթ կշտամբելով նրանց: Մի փանի ասպի-

բանտների (հայագիտության ու ֆրեզիտության գծով) գիտական նախապատ-
րաստության գործն էլ ղեկավարում էր ինքը:

Հ. Օրբելու քղաքականակամ կուսակցվել էին նախորդ տասնամյակներին
գրված մի շարք ուսումնասիրություններ, որոնցից են՝ «Աղքատների ճարտարա-
պետական հուշարձանները և ղեկավարվող քաղաքագործությունը» մոնումեն-
տալ գործը, նյութեր Մոկսի հայկական ու ֆրեզիտական բարբառների մասին, աշ-
խատություններ «Սասունցի Դավթի» մասին, հայ միջնադարյան առակների
մասին և, վերջապես, միջնադարյան վիճագիր արձանագրությունների մի բանի
ժողովածուներ (ՀՍՍՌ ԳԱ աշխատակիցներ Ա. Ղանալանյանի և Ս. Բաբաու-
դարյանի գործակցությամբ): Իր կյանքի վերջին տասնամյակում հեղինակը
անհամաժամ էր իր իրավունքների պաշտպանության գործին և մի երկուսը
հրատարակեց, մնացածն էլ սպասում են հրատարակության: Բացի դրանից
նա ձեռնարկեց նաև մի շնորհակալ գործ՝ հայ միջնադարյան երեք խոշորա-
գույն պատմագիրների (Եղիշի, Ղազար Փարպեցու և Թովմա Արծրունու) եր-
կերի ուսուերեն թարգմանությունը:

1956 թ. Օրբելին իր 70-ամյակի կապակցությամբ Սովետական Կառավա-
րության կողմից պարգևատրվեց Լենինի շքանշանով: Դա արդեն Լենինի երկ-
րորդ շքանշանն էր նրա կրթիչն: Անցյալում նա պարգևատրվել էր նաև Աշխա-
տանքային Կարմիր Դրոշի երկու շքանշաններով և մի շարք մեդալներով:

Պարտիայի ու կառավարության բարձր գնահատականը ոգևորում էր
Հ. Օրբելուն: Նրա տակավին երիտասարդական եռանդը ելք էր փնտրում նաև
գիտա-կազմակերպչական գործունեության մեջ: 1955 թ. նա վարում էր Լենին-
գրադի համալսարանի Արևելյան ֆակուլտետի ղեկանի պաշտոնը, հաջորդ տար-
վանից նաև Մերձավոր ու Միջին Արևելքի պատմության ամբիոնի վարիչն էր:
Նույն 1956 թ. մինչև մահը նա ղեկավարում էր Սովետական Միության արևե-
լագիտական երկրորդ խոշոր կենտրոնը՝ ՍՍՌՄ ԳԱ Արևելագիտության ինստի-
տուտի Լենինգրադյան բաժանմունքը:

1960 թ. օգոստոսին Մոսկվայում տեղի ունեցած Արևելագետների համաշ-
խարհային XXV կոնգրեսը այն վերջին գիտական իրադարձությունն էր, որին
մասնակցեց Հ. Օրբելին, կատարելով կոնգրեսի նախապատրաստման կազմ-
կոմիտեի նախագահի տեղակալի պարտականությունները և վարելով Կովկա-
սագիտության սեկցիայի աշխատանքները:

Այն հազվագյուտ մարդկանցից էր Հովսեփ Օրբելին, որոնց վախճանը կո-
րուստ է կյանքի շատ բնագավառների համար: Օրբելու մահվամբ գիտությունը
կորցրեց խորունկ ու յուրաքանչյուր հետազոտողի, գրականությունն ու արվեստը՝
նրբին գիտակի, սովետական հասարակայնությունը՝ մեծ ֆաղափացու, կրճատ
գործիչի ու բոցավառ հոնաորի, հայ ժողովուրդը՝ ազնիվ ու անձնուրաց իր որ-
դուն:

Հավերժ հիշատակ Հովսեփ Օրբելուն: